

天下郡國利病書

四十

天下學問無窮

卷一

廣東上

備錄

山堂考索兩廣論

漢魏以還守官廣南者多以貪墨生激吏民之叛
由於此蓋古今之同患也抑嘗攷其故嬴秦以來以守令為治臺
省餘除莫不以內地為重以邊遠為輕而廣南之地去京華為尤
遠瘴癘蠱毒種種穢惡內地之人南轅越嶺不勞年逐必罪戾尋
庸不得已然後膺其選既百舍登途往返重費不過厚取於民耳
而又地產珍奇掌握之物足富數世疆域曠邈按察稀臨京關萬
里赴莫及則無聊汨沒之人何憚而不為賄乎歷古交廣之間民
獠多叛致騷擾江淮震駭朝省職由此也嘗觀漢順帝永和中日
南象林羣蠻並反回府議發江淮甲卒致討李固駁之以謂前尹
就討益州叛羌蜀人諺曰虜來尚可尹來殺我乃名還以兵付刺



史張喬旬月之間寇虜殄敗宜精選牧守以殊俗乃以奮刺史交
州祝良為九真守喬至開示慰誘並皆降散良單車入賊降者數
萬皆為良築起府寺由是嶺表無虞至靈帝中平中屯兵作亂嶺
南大擾三府乃精選賈琮為刺史琮至蠲復徭役選良吏試守諸
縣遠近翕然巷路為之歌曰賈父來晚使我先反今見清平吏不
敢飯自後嶺表之民又獲安堵審視張喬祝良賈琮之事而人情
可見矣然則嶺南歷世多亂豈皆蠻獠之罪抑當時朝廷制置失
宜耳嗟乎監司守令九重之指臂也所以撫育斯民全賴良吏其
休息安危莫不由之又可易其選耶內地之民伊邇闕庭監司往
來如織號令所宣閭閻必達借使守令或非其人冤抑易訴詣監
司而不獲則累糧走闕下耳是內地親民之吏猶可非其人也至

嶺表則不然。遠者去京華萬里。終歲道途。僅能一詣闕庭。而又荒
淑絕域。程驛邈焉。監司不能周及。守令苟非其人。則冤民無由申
訴。屈抑既甚。則其勢必將為亂。是遠地親民之吏。不可非其人也。
而歷代銓蔭。反以內地為重。以邊方為輕。是何倒置之甚哉。

[Faint, illegible text, likely bleed-through from the reverse side of the page]

廣東通志職官表序

人有言曰、文德不足而後有武功、封建既廢而後有郡縣、考於尚書、則不然、禹貢曰、五百里綏服、三百里揆文教、二百里奮武衛、粵南荒服、眡王畿、邈矣、然夏禹南巡、會稽執玉帛者、萬國、文命敷及南海、則文經武緯、固未始偏遺也、迄周庶姓在六服內者、猶封四衛焉、周官革路以即戎、封四衛、註四方諸侯守衛者、庶姓在四方六服以內、蓋同姓王之宗室也、異姓王之昏姻也、庶姓則海外之國矣、故武衛在焉、後世省城設四衛、本此、宣非遠方用武、則逾於文、與秦平百粵、置南海郡、益稷曰、弼成五服、至于五千、州十有二師、外薄四海、咸建五長、九州之外曰四海、南海其一也、蓋唐虞之世、聲教所

暨疆理所至必有師長展采錯事以承后王君公第不得其詳

爾觀諸周制惟縣有師惟卒有長五長則五卒五百人為鄙亦

謂之郡五鄙則二千五百人為師亦謂之縣說文言天子地方

千里分為百縣縣有四郡郡有四鄙故春秋傳曰上大夫受縣

下大夫受郡是也周書作維篇千里百縣縣有四郡月令亦云

合諸侯制百縣正與此合月令當呂不韋之時六王猶未一乃周制也豈非郡統於

縣縣統於州而封建在其間邪然則南海為揚州外境而五長

亦必咸建矣是封建固聖人意而郡縣非待秦而後有也但春

秋時列國相滅多以其地為縣則縣大而郡小左傳楚子縣陳是滅陳以為縣

也。至于戰國郡縣互相吞併，而縣日衰削，則郡大而縣小。戰國策其

茂謂秦武王曰：宜陽大縣，名曰縣，其實郡也。縣小可知。秦之一四海也。罄率土而郡縣之。

南海郡惟設尉以掌兵，監以察事，而無守與丞。任囂繼屠睢，史

祿而獨馭者，其羈縻之意可見矣。縣令則有龍川趙佗，逢秦之

衰，既王南越，而高帝詔曰：南武侯織亦粵之世也。立以為南海

王，蓋六國之滅，正道地大兵衆，與秦抗衡焉。爾衛之小寡，迄胡

亥而君角始廢，則夫蠻夷五長之遺，豈無留裔者哉。是故賞延

于世，封建也。有土而無官者，十恒八九。舉能其官，郡縣也。世祿

以勸賢者，十亡二三。唐虞三代聖王，以此建輔世長民之策，適

柔遠能邇之宜。文教以昭德，武衛以蓄威。秦漢莫之能違也。

黃恭

卷之二十一 郡縣 原為二十一 黃恭

交廣記秦兼天下改州牧為刺史朱明之時則出巡行封部玄
 英之月則還詣天府表奏刺史言其刺舉不法史者使也蓋秦
 令御史監郡漢初省御史監郡及平南越始置郡守及縣令長
 即刺史也

舊志漢初省御史監郡及平南越置南海郡守秩二千石省郡
 丞而別置者四員曰屬國都尉曰督郵曰功曹吏曰司倉恭軍
 縣置令長又於南海郡置圍羞官於番
 禺置鹽官於中宿置涯浦官他郡類此交趾部刺史實復監之

後為州牧佐以別駕治中都尉南海合浦朱崖儋耳四郡屬交
 趾部桂陽郡始興浚涯則屬荆

州郡守銅印黃綬刺史察黑綬以下這吳分交為廣而廣州刺史晉迄南朝兼督

他州舊志武帝元封五年乃置部刺史秩六百石掌奉詔六條
 察州居部九歲舉為宰相而南海屬交趾部又置郡文學

以領學官子弟景帝中元二年更郡守為太守置治中別駕以
 貳之成帝綏和元年詔刺史位下大夫而臨二千石輕重不相

準更為州牧秩真二千石位次九卿王莽時改太守曰太尹漢
 中興益重其任或以尚書令僕射出為郡或自郡守入為三公

而南海遐曼無聞焉。建武十八年，復州牧為刺史。靈帝中，平五年，復為牧。是時天下方亂，州牧多擅進退二千石。於是太守之任寢輕。建安中，改交趾部為交州，始得與中州等。亡何廢，屬荆州。而荆州牧劉表復自置交州刺史。有州牧，又有刺史，自此始也。晉迄南朝，刺史任重者為使持節都督，輕者為持節。故有督楊荆、江湘、交廣六州諸軍事，有督交廣二州諸軍事，亦有止督廣州諸軍事者。亦有假節者，皆加平越中郎將及平南將軍等號。刺史無將軍者，謂之單車刺史。太守無將軍者，以為賦乃定將軍等級差次之。而刺史得自署守令，其所統廣州諸軍曰仁威府。曰揚烈府。曰綏寧府之類。是謂軍府。其府佐皆置主簿及中兵、叅軍。其開督府廣州，所督至二十州焉。黃恭交廣記曰：縣萬戶以上為令，子國

也。千戶為長，男國也。故漢制封國，則有內史。晉有始興內史，後

改為相。南朝宋於廣興置公相。廣興即始興郡改名曲江陽山貞陽置侯

相。涇陽宋明子相惟二。熙安男相惟九。番禺博羅綏寧含滙寶安海豐海安欣樂四會

天下甲國川房書 原為十二冊 黃史二

別有令長則非封邑

戶僅及萬仍置令不至千者仍置長皆不以封

豈非封建合于郡

縣君臨其國則易令長而為相邪府佐則有長史司馬郡縣皆

有丞尉以叅軍名者有中兵諮議司戶錄事之屬而因革皆自

六朝焉隋唐相承始置總管安撫經畧使而三江督護分為五

管之兵矣其後使持節者唐改節度使常兼五管經畧使至德

宗時杜佑獨不兼後遂因之

舊唐書杜佑兼御史大夫充嶺南節度使時德宗在興元朝廷故事

執政往往遺脫舊嶺南節度使常兼五管經畧使命佑獨不兼故五管不屬嶺南自佑始也

有封郡王同平

章事者謂之使相節度副使多帶卿貳封公侯

舊志隋開皇三年罷郡以州統

縣自是刺史之名存而職廢平陳置廣循二州總管而更別駕治中為長史司馬初遣總管章洸安撫嶺南安撫之名始此大

崇三年罷州置郡太守通守及丞仍遣刺史十四人巡察畿外諸郡唐武德元年又改郡太守為州刺史加號持節諸軍事而實無節又改丞為別駕四年復置廣州總管府六年改總管為都督定廣州為中都督府其屬置司隸貞觀二年以邈州別置經畧使經畧之名始此永徽以後除都督帶使持節者為節度使不然則否於是節度使得總軍旅誅殺云別駕長史司馬之下有錄事參軍一人功倉戶兵法士六曹參軍事各一人經學博士一人焉嶺南節度為使相者自韋宙始 天寶以

後州刺史郡太守更相為名其實一體尋定天下州府除四輔

外餘為六雄十望十緊及上中下之差唐書凡戶四萬以上為上州二萬五千以上為

中州不滿二縣則有赤畿望緊上中下六等之差唐書京都所

之旁邑為畿縣餘以戶朝廷綸綍非獨節度使副有之雖判官

亦頒重元戎也元稹授王師魯等古稱南海為難理蓋蠻貊獠

天下口國川為書 原為十二冊 黃更二

身無以格物是以非吳處默之清德不可以擢遠人非孫子荆
之長才不可以恭謀畫爾等皆當茂選取重元戎更職命官各
如來奏可
非獨刺史有之雖州倅亦頒重官次也
白居易表幹
可封州刺史

兼侍御制勒安南兵馬使封州刺史兼監察御史表幹委賢藩
方悉知戎旅嘗驅寇盜累著功勞故命遷領即符超升憲簡足
以安荒俗擢遠人敬而承之無替前效可封州刺史
連州司馬制勒朝議大夫守衛州刺史兼御史中丞即同寵在

專城職當守土不承制命擅赴闕庭違越詔條叛離
官次將懲慢易宜舉憲章可連州司馬仍馳驛遣
非獨太守
有之雖縣令亦頒重民事也
孫逖授徐鈞南海縣令制勒行晉
州神山縣徐鈞幹以立身果於從

政頻更所職頗効其能言念遠人實資良吏既
有使臣之薦宜遷宰邑之榮可廣州南海縣令
自漢迄唐封建
與郡縣並行大氏循周制而漸變矣然同姓則宗室子弟悉列

爵土異姓則外戚元舅多執國命惟庶姓吏於邊晉固沿漢制

也、南朝偏安而後同姓至粵矣。

宋隨王誕臨海王子瑒始安王子真皆不赴鎮至梁世宗室始

有至鎮者、然多為民害、

唐之盛時光王瑒

玄宗開元十五年

睦王述

代宗大曆十年皆不

出閣遙領而已曹王臯貶刺潮州猶不遠復

通鑑初衡州刺史曹王臯有治行湖

南觀察使辛京果疾之陷以法貶潮州刺史時楊炎在道州知其真及入相復擢為衡州刺史始臯之遭誣在治念太妃老將

驚而戚出則囚服就辯入則擁笏垂魚即異姓則有自刺史都

貶于潮以遷入賀及是然後跪謝告實 督節度嶺南者唐初設廣州刺史尋改都督其後或 郡縣正官

大氏左謫非以其遠與其衰也薛王知柔始涖軍府太尉徐

彥若以首相繼軌而劉隱代之且開南漢之基矣由是觀之古

昔致治大不在邊細不在廷豈非炯鑒哉作秦漢迄五季職官

天... 原... 卷... 第... 頁...

表

民壯 洪武初立民兵萬戶府簡民間武勇之人編成隊伍以時操練有事用以征戰事平復還為民有功者一體陞賞正統十四年令各處招募民壯就令本地官司率領操練遇警調用事完仍復為民天順元年令招募民壯鞍馬器械悉從官給本戶有糧與免五石仍免戶下二丁以資供給如有事故不許勾丁弘治二年令選取民壯須年二十以上五十以下精壯之人州縣七八百里者每里僉二名五百里者每里三名三百里者每里四名一百里以上者每里五名春夏秋每月操二次至冬操三歇五遇警調集官給行糧其餘照天順元年例六年令官